

ति पश्चाद्वि योषायै प्रजाः प्रजायन्ते ॥ १० ॥ स उपयजति । समुद्रं गृह् स्वाहेत्या-
पो वै समुद्र आपो रेतो रेत एवैतत्सिञ्चति ॥ ११ ॥ अन्तरिक्षं गृह् स्वाहेति ।
अन्तरिक्षं वाऽअनु प्रजाः प्रजायन्तेऽन्तरिक्षमेवैतदनु प्रजनयति ॥ १२ ॥ देवः सवि-
तारं गृह् स्वाहेति सविता वै देवानां प्रसविता सवितृप्रसूत एवैतत्प्रजनयति
॥ १३ ॥ मित्रावरुणौ गृह् स्वाहेति । प्राणोदानौ वै मित्रावरुणौ प्राणोदानविवै-
तत्प्रजासु दधाति ॥ १४ ॥ अहोरात्रे गृह् स्वाहेति । अहोरात्रे वाऽअनु प्रजाः प्र-
जायन्तेऽहोरात्रेऽएवैतदनु प्रजनयति ॥ १५ ॥ हन्दाऽसि गृह् स्वाहेति । सप्त वै
हन्दाऽसि सप्त ग्राम्याः पशवः सप्तारण्यास्तानेवैतदुभयान्प्रजनयति ॥ १६ ॥ द्यावा-
पृथिवी गृह् स्वाहेति । प्रजापतिर्वै प्रजाः सृष्ट्वा ता द्यावापृथिवीभ्यां पर्यगृह्णाता
इमा द्यावापृथिवीभ्यां परिगृह्णीतास्तथोऽएवैष एतत्प्रजाः सृष्ट्वा ता द्यावापृथिवी-
भ्यां परिगृह्णाति ॥ १७ ॥ अथात्युपयजति । स यन्नात्युपयजेद्यावत्यो दैवाग्रे प्रजाः
सृष्टास्तावत्यो दैव स्युर्न प्रजायेरन्नथ यदत्युपयजति प्रैवैतज्जनयति तस्मादिमाः
प्रजाः पुनरभ्यावर्तं प्रजायन्ते ॥ १८ ॥ ब्राह्मणम् ॥ ५ [८. ४] ॥ ॥ षष्ठः प्रपाठकः ॥
कण्डिकासंख्या ११२ ॥ ॥

सोऽत्युपयजति । यज्ञं गृह् स्वाहेत्यापो वै यज्ञ आपो रेतो रेत एवैतत्सि-
ञ्चति ॥ १ ॥ सोमं गृह् स्वाहेति । रेतो वै सोमो रेत एवैतत्सिञ्चति ॥ २ ॥ दिव्यं
नभो गृह् स्वाहेति । आपो वै दिव्यं नभ आपो रेतो रेत एवैतत्सिञ्चति ॥ ३ ॥
अग्निं वैश्वानरं गृह् स्वाहेति । इयं वै पृथिव्यग्निर्वैश्वानरः सेयं प्रतिष्ठेमामेवैतत्प्र-
तिष्ठामभिप्रजनयति ॥ ४ ॥ अथ मुखं विमृष्टे । मनो मे हृदि यहेति तथो ह्योप-
यष्टात्मानं नानुप्रवृणक्ति ॥ ५ ॥ अथ जघन्या पत्नीः संयाजयन्ति । जघनार्थी वै
जघनी जघनार्थद्वि योषायै प्रजाः प्रजायन्ते तत्प्रैवैतज्जनयति यज्जघन्या पत्नीः सं-
याजयन्ति ॥ ६ ॥ अन्तरतो देवानां पत्नीभ्योऽवद्यति । अन्तरतो वै योषायै प्रजाः